



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CXVIII. Propst Johann Kuchenbiter und die Priorin Anna von Jagow setzen dem Convent des Klosters Arendsee eine bessere Verpflegung aus, am 12. März 1484.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

CXVII. Markgraf Johann vereignet dem Kloster Arendsee einen Hof zu Rethpul,
am 7. Dezember 1479.

Wy Johannes, van gadelz gnaden Marchgreue tho brandemborch, to Stettin, Pomern, der Cassuben vnd Wenden hertoge, burchgreue to Nurenbergen vnd furste to Rugen, Bekennen apenbar myd dessem breue vor vns, vnser eruen vnde nakomen Marchgreuen to Brandemborch vnde szus vor alsweme, dat vor vns gekamen ys vnse leuer ghetruwer Buffe van Retfelde vnde hefft vppe dere gheystliken vnde werdegen frouwen der Pryorisse eres Conuentes vnde Closters tor Arnsee behuff vor vns myd hande vnde myd munde vorlaten den hoff to Rethpull myd anderhaluer houe, darvp ytzunt Achym Mychels wanet, den he er vorkofft hefft myt ouerften vnde neddersten gerychten, myt allen jarliken nuttingen, tynsen, Renten vnde allen gnaden, vriheyden, gerechticheyden vnde thogehoryngen, alles he vnde syne elderen bette heer van vns to lene gehat vnde gebuket hebben, darvp vns de genante Priorisse van ores gadelzhuses vnde Conuentes wegen myd flitigem beden angelanget hefft, eer vnde erem Closter tor Arnsee sulken hoff vnde houen vorgeannt to eynen Rechten Eghendom touereygen. Des hebbe wy angeleen ere flytige vnde demutige bede, Ok darvmen, dat see den almechtigen God myd eren Innygen beden vor vnse vnde vnser olderen selen deste flytiger bydden schollen vnde er, erem Conuent vnde gadelzhuse tor Arnsee sulken hoff to Redepull myt anderhaluer houen, myt allen nuttyngen vnde gerechticheyden, wy voraruet, to eynem Rechten ewygen eghendom geueu vnde voreygent. Gheuen vnde vereygen eer, erem Conuent vnde gadelzhuse Den also jn craft vnde macht desles breues, Also dat se des vorder genutten vnde gebuken mogen vnd schollen als ander des Closters eygendom vor yderman vnuerhindert. Ok voreygen vnde geuen wy en daran alles, wat wy van Rechts vnde gnade wegen daran geuen vnde voreygen scholen vnde mogen, Doch vns, vnser eruen vnde nachkomen an vnser vnd sus yderman an synen rechten vnschedelich. To orkunde hebben wy vnse Ingefelgel an dessen breff laten hengen, de dar Geueu ys vp vnseme Slotte Tanghermunde, am dinxtedage na nycolai, na cristi vnser leuen heren gebord Dufent veerhundert vnde darna jn dem Neghen vnde Souentigheften Jare.

CXVIII. Propst Johann Kuckenbiter und die Priorin Anna von Jagow setzen dem Convent
des Klosters Arendsee eine bessere Verpflegung aus, am 12. März 1484.

In vigilia natiuitatis christi twe vische prauinge vnde eyn tunn bers. In die natiuitatis christi twe vlesche prauinge vnde hunre, desz auendelsz worste. In die epyphanie hunre, In die purificationis hunre, Quinta feria Exurge hunre, Dominica Estomihi hunre. Item jegen de fasten hebben wy Johannes Kuckenbiter, Prauest, Anna von Jagow, priorynna, angelehen nogaffticheyt der prauiftigen vnd vnderdanicheit vnghemach der Juncfrouwen, tho varende in dat lanth to wenden, hebben bowilleth myd witschup desz capittelsz dy pryorinne tho beholdende vann

denne summen vth deme lande tho wenden vier rynsche gulden, darvor to kopende bir deme capittel vnd sampninghe to deylende. Item hebben wy Johannes, prauift, vnde gefzcke van bulow, priorinne, angefen flitiger bede defz Capittelz vnd gantz nogaffticheyt der prauiftige vnde vnderdanicheit myd flitigem dinfte gade to loue deme heren der sampninge vnd ere notorfficheyt vnde vele vngemakefz to hebbende tho varende in dat lant tho wenden, Hebben wy bowilleth vormyddeltf bede vnde Rad fulborth defz Capittelz dy pryoren furder tho beholdende van den summen vth deme lande to wenden noch fzezf rynsche gulden, nicht tho vorantworden deme prauifte, wan by fick to beholdende. Tho den fzezf gulden geue ick Johannes Kukenbiter vorgnant vormyddeltf bowevinge der Innyghen Juncfrouwen alle deme Capittel twe marck fuluers jarlike rente, de ick hebbe in pantfchup Auer brunwellen to kruge vor druttich marck fuluers myd deme houetfummen, ewych by deme Capittel to bliuende vnde brukende, Nach sodaner nafcreuden wyfe, So dat de priorynne tho denne gnanten fzezf gulden schall tonemen dulle twe mark fuluers, darvor to kopende eyne tunnen heringefz vnde twe tunnen rotfchar, to deylende der sampninge ewich to bliuende. Item ghift vnd schall geuen dy prauift van der prauiftigen twe tunnen heringefz. Item will vnd bewille ick gefzcke, priorynne vpgenant, myd borade vnd fulborde defz Capittelz, tho geuende eyne tunnen heringefz van deme bedekorne to kowlitze, Summa alle Jare tofamide vier tunnen heringefz, Twe tunnen Rotfchar, ewich bliuende. Item in Capite Januarii Ifliker perfonen eyne negenogen vth dem peper effte eyne heringck. Item defz fondaghen auendefz fzulteberen. Item in die benedicti tweuldige prouen. Item in die marie virginis grote vifche to prouigen duplicia. Item in die palmarum duplicia. Item bona quinta feria duplicia. Item bona sexta feria album panem, qui dicitur eyne vleke. Item in vigilia pafce duplicia fpecialiter magna fructa et una tunna cereuifie. Item in die pafce triplicia, eyne richte droge vnde twe grone fefck. Serotina die Ifliken perfonen eyne par eyer. Item fecunda et quinta feria eyger, iflich perfone fzozf eyger. Item in die rogacionum grote ftucke vifchefz. Darto defz dinxtedages eyne tunnen berfz. Item in vigilia afcenfionis botter vnde grote ftucke vifches reoectum et lac. Item in vigilia Pentecoftef eyne tunnen birfz vnde duplicia grote ftucken vnde botter. Item in die pentecoftef duplicia. Item in quatuor temporibus botter edder vifche, grote ftucken. Item in vigilia corporis crifti botter vnde vifche grote ftucken. Item in die corporis crifti duplicia. Item in die pantaleonis eyne tunne birfz effte eyne conuiuium iam preposito. Item in vigilia affumpcionis marie et in omni virginis marie witbroth vnde birfzupent. Item in die affumpcionis hunre vnde prouige. Item in die natiuitatis marie eyne tunne birfz, hunre vnde prouige. Item in die dedicacionis ecclefie ghulle vnd appelmufz effte ander prouige. Item in die crucis hunre. In die omnium fanctorum hunre. In vigilia martini eyne tunne byrfz vnd hunre vnd twe tunnen birfz, de he vnzf manen fchal van den ftauen. Dominica dieit dominus hunre. In aduentu domini den fenioribus kefzen, den junioribus fefch. Item in diebus concepcionis, vifitationis, purificationis, prefentationis marie virginis, In die trium regum et omnium fanctorum, To laue vnde werdicheit der eddelen konnighynnen marien, welk feft kumpt vppe den mandach effte mydweken, fchal me geuen Stockvifck effte fefch; kummet yd vppe den frigdach witbroth, vppe den Sonnauent Ryzf effte vifche. Dulle vorgnanten bofcreuen prauinghe bowillen wy Johannes Kukenbiter, prauift, Ghefzcke van bulow, priorynne, myd berade defz Capittelz, vnde bowillen furder vor vnzf vnd alle vnzfz nakamelinge genfzliken to holdende nicht to vorkrenkende, wen to verbeterende ewych to holdende. Item hebbe ick Johannes vpgnant, Angefen defz Capittelz Innycheit der Juncfrouwen flitigen dinfte god deme heren Vnd hebbe ome auergelanget

eyn vorsegelden breff Inholdende hunderth gulden ewichliken dene houethummen myd der jarliken renthe to brukende nach vthwifinge mynesz vorsegelden breues. Item hebbe ick one vorantwordet eynen vorsegelden breff Inholdende vertich gulden myd der renthe to holdende eyn conuiuium der samppinge, nomeliken Sante Annen bath vnd to holdende dat licht Alma redemptoris Nach vthwifinge desz houetbreues. Item desz hefft ock angefeen Ghefzke van bulow, priorin, myd berade desz Capittels vnde will vnde alle ore nakamelingen geuen van deme bedekarne tho Kowlitze twe lubesche mark alle Jar to deme meynen fure denen Juncfrouwen, allen to willen vnde to brukende, denen armen alzto denen riken, genzliken to bliuende, ore kostiken darby to warmende. Item hebbe ick Johannes Kukenbiter furdermer angefen flitighe gadelz dinste der Innigen Juncfrouwen dach vnde nacht vnd hebbe geuen vnde geue vnde bowille myd Rade desz Capittelz vor my vnde alle myne nakamelingen tho geuende alle Jar Sefteyn par boytzen denen Juncfrouwen to deylende secundum ordinem vnd der priorissen alle Jar eyn par ewichliken to holdende vnde nicht to krenkende, wan jo to beterende. Amen. Biddet ihesum crifum god dem Heren myd syner lyuen moder marien vor vnns! Datum anno domini M°. CCCC°. LXXXIII, in die gregorii.

CXIX. Stiftung der Memorien des Propstes Johann Kuchenbiter und der Priorin Anna von Jagow durch Gründung einer Commende im Kloster Arendsee, am 12. März 1483.

Wy Johannes Hake, Praueft, Ghefzke van Bulow, priorynne, Ilfze loufz, vnderpriorynne, Czechell Krufzemarken, Margareta Koffebw, Cofterinnen, vnde de gantze conuent tome Arnfze, Bekennen apembare in deffeme apembreue betugende vor alzweme, dat myd vnfer allen berade, guder betrachtunge, wifchup, willen vnd fulborth de werdige herre, Eren Johannefz Kuchenbiter, Olde Proueft tome Arntfze, deme almechtigen gade, fyner werden moder marien, allen hemelfchen here to laue vnde to eren, dorch fyner vnde finer leffhoueden vnd aller criften fzelen fzalicheit willen bostelleth, lecht vnd maketh hefft, maket, bostelleth vnde bolecht, myd kraffte vnde macht duffelz breuelz, etlike Jarlike rente, nomliken elff marek pennynge Soltwedelscher weringe jn deme dorpe tho buft, De he myd hulpe der jnyngen Annen van Jagow, Priorynnen feliger dechniffe hefft gemaketh jn Panchup van den duchtigen hanfz vnd hennynck ghebroder vom Jetze, mylder allmyffen ghegeuen vnd vorsegelt to eyner Commende in vnfer kerken to deme altare, dat ghewiget yfz in der eren der hilligen Sancti bartholomei, Teyndufent rydder, laurencii, Elffdufzend megede, Margarete, barbare, gerdrudis vnd Juliane, dat de gnante Eren Johann kukēbiter fulueft hefft fundereth vnd maketh myd alle vnfer fulborth, inholdinge des houethbrefes, nach vorfallinge desz Eren Johannis fzodane bevelinge by vnferm Capittel to bliuende, desz wy vpgnante Ghefzke van bulow, priorynne, myd allen bauen bofcreuen jn jegenwardicheit vnfer gantzen Capittelz vnd fulborth vorgnant vnfer heren Prauiftes hebben vmme bede willen vnde beteringe, tho fordernde gadelzdinst, der Commende Thu gefadeth, fulborth vnde bewilleth Syek eren Johann ergenant to beholdende, vnde beholt in